



Број: Т18 О КТ 0014045 20
Брчко, 20.08.2024. године

Na osnovu člana 35. stav 2. tačka z) i člana 226. stav 1. Zakona o krivičnom postupku Brčko distrikta BiH, podižem

OPTUŽNICU

Protiv:

1. H. K. (...)
2. H. Š. (...)
3. E. M. (...)

Što su:

1. Dana 21.12.2019. godine, u mjestu Boderište, Brčko distrikt BiH, zajedno i po prethodnom međusobnom dogovoru i dogovoru sa R. F, u namjeri da sebi pribave protivpravnu imovinsku korist, uputili se putničkim motornim vozilom marke „Golf II“ kojim je upravljao R. F. prema kući M. L, pa kada su prošli pored njegove kuće, F. je zaustavio vozilo, nakon čega su iz vozila izašli H. K, E. M. i H. Š, dok je on ostao u vozilu da čuva stražu, a K, M. i Š. su iz vozila ponijeli pajser, rukavice i šrafciğer, pa kada su prišli balkonskim vratima kuće, upotrebom šrafciğera i fizičke snage su nasilno otvorili vrata i ušli u unutrašnjost kuće, odakle su svjesni da oduzimanjem i prisvajanjem tuđe pokretne stvari pribavljaju sebi protivpravnu imovinsku korist, što su i htjeli oduzeti televizor marke „Samsung“, televizor marke „LG“, zvučnik marke „LG“ i „IP“ kameru, pa su sve oduzete stvari stavili u vozilo kojim je upravljao F. i udaljili se, čime su oštetili M. L. za iznos od oko 2.000,00 KM,

2. U periodu mjeseca decembra 2019. godine, u mjestu Boće, Brčko distrikt BiH, zajedno i po prethodnom međusobnom dogovoru i dogovoru sa R. F, u namjeri da sebi pribave protivpravnu imovinsku korist, uputili se putničkim motornim vozilom marke „Golf II“ kojim je upravljao E. M. prema kućama I. I. i D. I, koje se nalaze u istom dvorištu, pa kada su došli u neposrednu blizinu dvorišta I, M. je zaustavio vozilo i ostao u njemu da čuva stražu, dok su H. K, R. F. i H. Š. otišli prema kućama I, pa kada su došli do ulaznih vrata kuće D. I, Š. i F. su upotrebom šrafciğera i fizičke snage nasilno otvorili vrata, dok je za to vrijeme K. stajao ispred kuće i čuvao stražu, nakon čega su sva trojica ušli u unutrašnjost kuće, odakle su svjesni da oduzimanjem i prisvajanjem tuđe pokretne stvari pribavljaju sebi protivpravnu imovinsku korist, što su i htjeli, oduzeti zlatni lančić sa privjeskom u obliku krsta i minduše „Svarovski“, čime su oštetili D. I. za iznos od oko 550,00 KM, a zatim došli do ulaznih vrata kuće I. I. koja se nalazi pored kuće D. I. i upotrebom šrafciğera i fizičke snage nasilno otvorili ulazna vrata kuće, a potom ušli u unutrašnjost kuće, odakle su oduzeli televizor marke „Samsung“, vazdušnu pušku, aparat za kafu marke „Melita“ i više flaša alkoholnog pića, pa su sve oduzete stvari stavili u vozilo kojim je upravljao M. i udaljili se, čime su oštetili I. I. za vrijednost oduzetih stvari,

3. U periodu od 25. do 26.12.2019. godine, u mjestu Boće, Brčko distrikt BiH, zajedno i po prethodnom međusobnom dogovoru i dogovoru sa R. F, u namjeri da sebi pribave protivpravnu imovinsku korist, uputili se putničkim motornim vozilom marke „Golf II“ kojim je upravljao E. M. prema kući R. J, pa kada su došli u neposrednu blizinu kuće, M. je zaustavio vozilo i ostao u njemu da čuva stražu, dok su H. K., R. F. i H. Š. otišli prema kući R. J. i upotrebom podesnog predmeta i fizičke snage nasilno

otvorili ulazna vrata garaže odakle su zatim kroz prozor kojeg su obili ušli u unutrašnjost kuće i svjesni da oduzimanjem i prisvajanjem tuđe pokretne stvari pribavljaju sebi protivpravnu imovinsku korist, što su i htjeli, oduzeli par patika, čime su oštetili R. J. za vrijednost oduzete stvari,

dakle, obijanjem da dođu do stvari iz zatvorenog prostora, tuđu pokretninu oduzeli drugome s ciljem da njenim prisvajanjem pribave sebi protivpravnu imovinsku korist,

čime su kao saizvršiocu učinili produženo krivično djelo Teška krađa iz člana 281. stav 1. tačka 1) u vezi sa članom 55. i članom 31. Krivičnog zakona Brčko distrikta BiH.

[...]

Ovom objavom ne prejudicira se ishod krivičnog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica.
